

四庫全書

集部

欽定四庫全書

滄溟集卷二十

明 李攀龍 撰

傳

總督薊遼右都御史兼兵部左侍郎王公傳

王公忬者蘇州太倉人也其先始興文獻公導遷江東至宋左司諫縉徙分水至元夢聲為崑山學正因家焉故崑山改太倉夢聲之孫琳生輅武宗時王倬以進士顯名為南京兵部右侍郎即輅子也倬生忬舉進士選

御史屬皇太子當出閣疏上重師道檢宮僚戒淫戲者
三事世宗納焉又中貴人宋興行萬金求領東廠公論
罷之出監河東鹽法歲餘以疾歸間復為御史按湖廣
至輒劾方岳郡守貪不職者一人不及代也時中貴人
廖斌填承天公謂曰貴人所不魚肉吾百姓者吾請事
貴人貴人所不知而舍人子魚肉吾百姓者吾請為百
姓治之不以及貴人凡吾有所裁終始全貴人耳還復
按天順八月敵數萬犯古北口公具聞上請屯京城而

身往守通州已而敵果大入至通竟不能渡河而西上
謀諸輔通獨完乃超為僉都御史經畧通州以東諸軍
會虜退衆議欲補京軍公又獨請汰之歲可減漕粟數
十萬得沿邊數萬壯士及請築京城外郭設薊遼總督
置通涿昌密為四鎮奏上各次第覆如指何公棟既總
督遼薊與大將軍仇鸞調諸邊兵數十萬衛京師而公
兼治餉鸞挾上愾公以軍興法公若為不悟而身歷諸
要害為伏芻粟即鸞所遣騎異道至咸取給焉乃上請

得三千騎與臣因糧車為戰守可以無乏軍興頃之歸
治餉戶部召還京鸞竟誅而公得無以賄免壬子巡撫
山東凡三月巡視浙閩提督軍務亡何改巡視為巡撫
請誅賞便宜行事南會二廣北會江左諸鎮掎角應援
也屬倭賊王直徐學毛勲輩襲我公夜縱狼土兵括蒼
少年以俞大猷湯克寬擊之鹵獲倭生口百四十三首
百五十級焚而溺殺者數百人軍大振以尹鳳將閩兵
徼於表頭北茭諸洋又鹵斬百餘級奪生口二百餘後

先以捷聞是時賊黨蕭顯率勁倭四百餘屠吳郡南沙
還逼淞江淞江守告急公曰吾嚮所請掎角者非此乎
以別將盧鏜掩擊大破之斬蕭顯餘衆潰入浙中大猷
諸將徼殺無孑遺是役也越境而殲之且陸勝賊矣因
行部凡二十餘縣計倭所由道次第畢城之獨慈溪謝
不可公去一歲而慈溪破始就城相誚不蚤聽王公言
公在浙閩可二歲凡一十餘捷功次三千餘所得沿海
大猾為倭內主者繫之覆其家數十人賊自是無與鄉

導往往食盡遁矣甲寅移巡撫大同先是敵入大同沒大將覆其師撫臣坐失律下獄議置代未決上諭相嵩中外臣誰真忠者嵩惶恐不知所對上曰吾嚮所自拔者王忬耳遂下手勅吏部朕念大同須得人其以忬往故事唯置相用手勅蓋異數也比至鎮上書具言歲侵乏軍興狀請大司農金錢十餘萬賑之活者萬計會敵復入邊與總督許公某合兵徼破之捕首級百餘鹵馬牛羊稱是捷聞進兵部右侍郎兼右僉都御史明年薊遼

總督楊公博入為兵部尚書議置代上度次用公進兵
部左侍郎兼右副都御史既代而敵帥把都兒黃台吉
打來孫等數萬騎入犯古北喜峰冷口諸隘公悉發兵
拒走之條上八事報可乃分遣諸大將趙卿輩以馬步
兵十餘萬守諸隘游兵佐之與宣大督臣約諸地在宣
大而險在內者移宣大兵為內守地在薊保而險在外
者移薊保兵為外守九月敵悉衆屯懷來川攻南塘黑
衝峪已又攻大石溝公各發兵拒走之捷聞進右都御

史兼兵部左侍郎如故奏減諸路防秋騎兵馬六千餘
匹曰守利步不利騎奈何以二戰士食供一馬非災也
敵先後侵遼陽所發兵敗之首級數百又招徠番漢一
千五百戶丙辰上欲用為兵部尚書輒不果時大舉討
倭發兵五千人以裨帥尹秉衡往有功九月打來孫等
又犯喜峰一片石諸處公督兵拒走之明年敵闌入滌
河頗有所殺掠復督兵力戰走之詔切責奪一官為右
侍郎兼僉都御史餘如故會兵部員外郎繼盛疏蒿父

子為所陷抵罪公寬之公子世貞又為護繼盛喪嵩父
子益銜之矣明年把都兒辛愛打來孫俺眼他皮各以
十餘萬欲分犯馬蘭義院諸口謀有備不敢發詔復所
奪官明年戊午敵入遼左我師一歲凡三捷九月敵王
文土蠻黑石炭諸部十餘萬騎駐大鰲場以精騎七千
犯界領箭捍領以大將歐陽安馬芳等拒走之數萬騎
入黑谷領以標中軍張倫等破走之而練兵之議起矣
是時兵歲益壯可省調發十之六七大司農省軍興帑

粟稱是見以為名美而戍卒多選奕不習戰所勾募取
充數而已諸將計不敢任而調發如故公乃為疏具列
十三事請以三歲舉之明年敵又入遼陽以楊照大破
之獲首級八百有奇鹵馬牛羊夷器以千計故事獲首
虜至二百即以捷聞至四百以大捷聞今至八百以萬
故顧無有為上言之者故事春防所調發兵視秋省十
之五至是以練兵故復汰其二而敵卒愛數萬騎挾朶
顏帥影入侵孩為嚮導謀入寇我所遣諜多被殺公

乃請援兵不聽敵竟入潘家口我以輕騎繞出其前凡三日引去尾擊之捕首級百事聞上乃知前所請援兵非謬第錄諸將歐陽安輩下獄而御史以嵩風旨且論殺安會御史方輅受草都御史鄆懋卿言公病悸不任事負上恩當罷狀遂逮制獄論殺公隆慶改元世貞守闕下白父寃狀以詔復原職公好稱說經術而長於吏事凡三為巡按一經畧一提督三巡撫一總督所推轂賢士大夫徧天下也贊曰大臣之處成功難言哉庚戌

虜犯京師中外洶洶公先策必至以聞而身守通州使
不得西渡河嚴邑翼翼輔以無恐肅皇帝張皇備邊左
顧右眄念無可與所立一總督一大將軍而公以督餉
叅間並見倚重尋視閩浙旋移大同敵遄已則奉而南
倭遄已則奉而北非不欲任久之以聽厥成而天子勵
精方稱緩急圖輒効喜自拔士號為大同得人異數寵
之以逼帷幄之臣度次薊遼而公拒走大敵者六至有
一歲三捷者奈何不免嵩父子文致之也自練兵之議

起而間以生奈何比年治師不中調發自期三歲也所
疏十三事具是矣天子方喜自拔士號得人度次以薊
遼乃有上言不任事負國恩當罷則誰為之者激極而
反大臣之處成功難言哉余觀世貞上疏追訟父前功
曰敵入遼左臣父忬以總督督總兵楊照輩便宜發兵
擊破之斬首八百餘級策定城池功施邊境嵩父子嗾
削臣父功狀並薄照賞而壅先帝拊髀之明成化間總督
王越潛師出塞至威寧海殺首級四百餘級封為列侯

臣以為比罪則遼陽為肘掖之地於我為必應量敵則掠出榆林塞於敵為情歸用師則楊照一部將計勝則首功過當威寧者多而懲其深入者悛慮敗則潛師出塞劫以取捷者危越封而臣父不錄今當先帝之世無以春秋耀軍士而示天下以非常功不知遼左之役見以為狎戰而嵩得持之威寧以汪直與俱出塞氣奮人主同功一體者乎將相不調和自古患之矣

王中丞廷小傳

中丞初以大司徒主事分曹太倉與宦者奉秭米相持也既聲聞朝廷改監察御史而領度支宦者奉尋罷亡何疏尚書鑑治大冢宰不奉職狀忤旨謫亳州稍徙崑山令崑山故相某視縣令家監爾即所欲令為之不欲屬之雖屬之公弗與為之故給事中某者公不與為之矣雖欲屬焉不能也及兩人皆聞知各自失也相巨室大臣給事中雖廢然揣上意從私家祠有所祈不領於天子之祝官歲時聞上覬復收我者為之乃相與持一

令短長何不至也而公即又來守吳郡則吳人欲之矣
郡別駕某所治逋租者獄纔一牘爾坐在戍籍當遣者
六十人捕夫得者又三百人公趨謂御史君曰異哉如
以檄大司馬府中豈無令主伍吏望見籍而走乎戍者
一人主送至戍所者二人捕未得者妻子一人捕者一
人是千人之獄也御史君勃然寢之矣徐某者既以其
賢為太學生而復持其兄某陰事署而揭之途御史君
又以其署按其兄使在遣中公廉知其為署某陰事者

某也曰兄不義而穢於家第不諱而播諸國其兄已髡
鉗對主伍吏某安得儼然因以為利大冠若箕日沾沾
父老前也乃奪其太學生郡歲以籍錢九千緡市尚方
物輸少府而司寇某者其子欲之公不與也往求毘陵
郡錢六千緡與之已而給事中舉奏司寇免之並奪毘
陵郡與者官吳郡尚方物至今有司者市之遂為令自
公始也可謂不畏疆禦哉

霍長公傳

霍長公者西河人也既少孤而母太淑人李年二十餘歲以故失不為儒太淑人常恨之公曰往而不可返者親乎懸而不可知者祿乎昔在襁抱以有今日即使不肖孤列鼎而祭先君子孰與竭力耕田之逮太淑人存也且為儒不成必難中棄而妨遷業孤豈敢薄諸生獨以白首鄉校猶日呻佔如病嫗之就蓐使其父母匏瓜畜之而進退維谷坐自朽腐是為從吾所好耳公猶是稍治產所致太淑人耳髭之餘亡何施予徧族黨矣無

何橋梁之役徧四境矣而產猶治也蓋公自計其力足以供甘毳則推及施予不使有一日之積云公素坦率煦濡與群處然耻夸毗雖狎必以義無大小無敢忿爭即忿爭曲直一聽公無後言者人以此益附公公既貴有輿馬且年七十餘不以乘也每出入安步里閭中無異布衣時曰吾幸未億庶幾與里門故舊遇諸塗何可使其引避而轍迹畏人將無挾兒輩尊寵於車上儻哉有司鄉飲酒公嘗一當大賓後輒謝不往曰吾始不圖

得從父母之邦見唐虞養老以燕饗甚盛典也一之為
冒而復抗禮邑長吏以煩官府僕僕起居乎公是時已
封御史進中丞少司馬凡三命故自謂將無於車上儼
云郭太淑人亦年七十以公之家而猶不輟麤糲之食
曰吾與君子同事李太淑人糟糠不饜若將終身雖今
暴貴七十餘矣何能異為婦時也豈以吾兒為不能事
我者乎其夫婦同德如此贊曰史謂孔子數稱介山子
然者豈之推之後邪晉之多賢由來遠矣子夏既居西

河之上序詩教授所與友田子方段干木其人也霍長
公家食不輟麤糲安步里閭不以輿馬非故讓也方其
布衣時晨出夜入自以性之恒啜菽茹藿自以味之極
一旦使之俟駕而後行式閭而後過苦矣品列而後御
味備而後舉厭矣不然則一以抑損豈謂坦率乎西河
之俗蓋猶有蟋蟀伐檀之風焉其論為儒非獨疾夫不
成也之推之母固曰身既隱矣焉用文之然以有激將
來使假儒之名以自好者非効於世不得藉口耳公之

意蓋因以為訓也既已三命乃鄉飲酒則謝不往其出處大義迫斯可見雖曰未學謂之學矣其斯以謂質行君子哉得其子而益顯也

長興徐公敬之傳

公名東始居約時游邑諸生間莫能厚過久之授弟子室里中非其好也則曰嗟乎大丈夫生不能游大人以成名即當效魯仲連布衣而排患解紛令千里誦義爾終安能嘔嘔為章句師坐帷中日夜呻其佔畢從群兒

取糲自食乎會邑富人許公女年二十不嫁欲求賢夫
如公者公是時年三十矣乃脫身將女家女家素長者
里中少年多侮之即妻公又皆來侮以嘗公公問許公
豈負是屬而欲報之然此易高耳今我在也而彼皆籍
吾家今我不維是子壻行皆魚肉之矣亡何微知少年
家陰事以令里中里中皆謂少年彼不上書告君即利
劍刺君矣少年家顧且因許翁奉百金願交驩公公乃
以所奉百金益市牛酒更召外家宗人及里中父老日

高會數問其金餘尚有幾所趣賣其具曰里中少年豈不多豪然無奈此牛酒共具我何公既已脫遼陽大賈某氏之阨而某氏日操百金將進公及見公侍酒至暮口不忍獻百金邑有豪亭父朱某者好衆辱人公一日從旁數之曰朱君太橫哉朱乃瞑目視公曰客何為者居邑屋至不見敬於若乎乃大挫公公佯不問一日袖四十斤鐵椎謂朱曰不聞信陵客椎殺晉鄙事乎朱跪曰吾始以先生為庸人乃今知之遂相舉飲謝而去時

江南大饑斗米千錢而公門下多蒯緱之士然歲入實
不足以奉賓客至鬻宅子錢家不令知也公始與諸兄
同居及往許翁家諸兄皆聽公去不收十年之中公蓋
再致千金即諸兄匍匐來稱貸公又未嘗以無為解焉
公嘗謂何知積著好行其德者為享利吾予人若棄之
假人若忘之即有償者是自實其義吾不忍為也公蓋
慕吳監門卒之為人而游於酒哉朋友相覲歡然道故
飲可五六斗而醉二三客前奏琴未嘗不為鼓一再行

而據地歌矣即長興令召公公又謝病不能往公雖布
衣然見邑中長老好問民所疾苦嘗謂長興西從方山
來可百里所故不多為陂誠得潞水高下更相受溉可
令畝一鍾何憂曠哉城南諸田即患苦水暴至然以隄
善潰爾築令廣一二丈所何慮不障又可樹桑千畝因
掘地為池可養千石魚即雖汙邪且不失芟牧其中獨
奈何棄百世之利不為乎公既口畫縣中事縣長吏愈
益重公門外時時以千旄來然其時民治渠少煩苦不

欲也今年公七十有九矣尚善飯遇客無所敢失即有從季子中行來者與許夫人為夜灑掃早帳具至旦不倦蓋中行未遊京師所交已多大父行知名之士矣余為郎署中時中行嘗語余曰吾嘗諫家大人至篤行即所言邑長吏治渠事煩苦不為也以大人之義與邑中長老共數百頃田何不成也家大人謝曰吾聞興百世之利以親附百姓者邑長吏之事也且吾邑長老居間者終不語令長吏幸而聽我我又奈何從邑中奪賢長

吏權乎其為長者如此

杜長公傳

杜長公常者鄆人也以文無害試補奉化縣功曹在家
人時嘗稱詩貽厥孫謀以燕翼子曰信斯言也予幸逮
事王父母又以勤父母予奚賴焉其為王父母供具一
視父錫供具曰王父母固安大人供具矣所執王父母
喪父錫無不如已自盡者而不知其所由辦也長公既
收弟仲於維揚而為季有室以託姊子然後嫁從女者

三如其女葬不能喪者如其弟仲筐筐賻贈至無暇日
不為厭焉長公出入邑屋少年輒自避過而與之言則
趨婦姑勃礪不出相闕亦自曰將謂杜長公何同曹掾
某患疫諸曹掾舉以其妾故引去且止長公長公曰廢
朋友疾病相扶持大義而借小嫌以自解何以稱同舍
兄弟人孰無急難而坐棄之也每往必有所與俱執火
竟夕身傳七劑其妾顧以此無間處衆始服長公達節
云再補蘭谿縣功曹蘭谿令謂奉化令曰大邑多君子

今安得有杜掾其人哉奉化令曰其人故奉化功曹也其取重如此先是長公值橐中裝於蘭谿之塗舉以徵亡者亡者至謂長公曰橐中裝都科也將輸縣而先門假寐道左屬縣官出辟客倉卒遺之蓋五十金舉者遠矣然此其地也長公曰此其地固在索之豈遠乎即舉以畀亡者亡者捐十金謝長公長公曰十金孰與五十金爾豈以我無所置之也遽辭而往章公居仁嘗謂長公雖在功曹中質行不可及矣尋授廣西龍江驛丞有

以藤自毒殺者其家誣怨家殺之郡太守謂怨家實殺之也以具獄憲司則移長公長公覆而輒見其寃狀大守惡其反也而笞之長公曰憲司豈少廉武吏而移之驛而乃撓於成案重辱命也笞之不猶愈於殺人以免乎屬征蠻之役幕府檄從軍疾作而卒於邸後五十年而孫思舉進士遷青州太府方為良二千石云贊曰越之俗襍賢者惑焉同曹掾疫長公不憚躬調護之可與立哉及觀所畀亡者橐中語其調笑疏於叱詈舉五十金

若亡者自取之望望然惟恐得我又何可啗以利也有
是驛吏不難於不阿郡太守意有是憲臣不難以殺人
大獄屬驛吏者今無矣夫今無矣夫

晉陽王次翁傳

次翁子使君名道行弱冠擢進士給事尚書大司寇省
中余時為郎亡何使君補鄧州余尋出為鉅鹿郡明年
使君遷魏郡比二千石往來二御史臺若部刺史必直
使君與使君相勞也雅已聞次翁為人翁名尚智字哲

夫陽曲人嘗補郡弟子負不就以貲假幹掾省中十餘
年除薊之義豐驛焉驛於京師東北諸邊為孔道次翁
乃簿正厨傳筆使諸走約客至當御者往蓋三年所車
馬捷於羽檄使者應乎烽火未嘗一日詣對幕府矣再
遷北地之北峽關北漢障塞尉譏客出入明年棄官歸
太原屬使君已舉於鄉視笥中俸纔二金笑曰腆笑一
抱關吏何功於上也尋從使君鄧州使君問政未嘗為
質焉旁引成事而已及使君遷大名乃輒不敢復問政

曰吾何能從兒子輩數數操郡長吏事乎翁魁梧美髯
長者少不視產而長翁乃善賈乃翁撫長翁子則無不
若已出語人曰兄子某病吾則終夜不能寐然有過又
未嘗不譙讓之豈為第五氏哉即晉陽長老亦言翁傲
儻狀視仇家若不可解者卒如初不著於睚眦里中緩
急翁輒與居閒然計畫之耳不必人人嘗施焉以故里
中曲聽翁請言事不願金矣余猶記使君在鄧嘗使人
於諸郡微當候太獄祠官者狀時祠官方貴幸余所為

候輒不與諸郡同人以報使君則使君從鉅鹿之所為
次翁屬在鄧也後使君從大名遷鳳翔太守移蘇州太
守禦倭於城下寇竟失利去稱治行第一云次翁雖不
視宦即在驛塾諸驛在關塾諸關一日越人表生者傳
過之罷矣翁輒竒焉延使使君卒業為之有室蓋三年
以裝去次翁所為使君亡慮十數師類如此以故弱冠
舉進士不十年三為大郡視曩俸笥中二金實腆矣廉
吏何不可為哉余惟世之君子重與人為善也誠日莫

途窮奪然後罷逐然後去斯笑之矣至無所為而棄官則又從而極之曰是先奪而圖罷先逐而圖去計之狡者也是計畫無復用之而竊輕富貴為名高者也是恐卒不可測姑以自避以緩人之跡我而將以復進者也不知計即狡亦徒為罷去耳身已隱笑安用名高愈避跡愈著夫又遑恤我後乎是三者故皆不出於患失何世之君子重與人為善也余觀次翁棄官歸時年未五十十一抱關吏耳此三者何以稱焉

何季公傳

何季公者名積字良慶故姓徐系偃王後子孫稍遷歛
之傳谿元末有萬億者始易姓何再遷休寧凡五世為
兆義兆義生政景皇帝時用鹽筴起應詔輸粟塞下值
虜大入猝獲良馬以免顧橐中裝百金耳乃即歸而廢
著以復是瓦解之術也何以稱少有關智即百金不猶
當奇勝邪遂返塞下居數歲果再致萬金政生耀耀生
季公公生逮壯而伯若仲長已各倍公乃兄弟與俱徧

游江淮吳楚間所至雍容為閭里率相矜以賈咸謂季公有家約也先是公父舉明經授長河丞公勸之往蓋三年以循吏稱載在邑乘矣二兄之亡也公慨然曰曩吾以愛弟奉二兄江淮吳楚間舉橐中裝託我我今乃令諸孤無息業哉蓋終其身無私藏亡何御史君受寧遠令又勸之往曰無念爾祖使我得稱長河循吏子更能得稱寧遠循吏父乎自是寧遠君卒以卓異聞召拜南臺御史也公因就南臺覘御史君所為治狀獨持大

體矣乃趣還休寧營萬安里而老焉縣大夫舉賓射必迎公公彊為出竟不再然閭里暮功待公舉火者十數家未嘗以居常謝客為解也公以季子金孺人以季子婦得當父母驩公自折節伯仲間事如長河丞所何得孺人亦以身下二如事如姑汪如孺人所也其夫婦孝友如此御史君上績書公與孺人同封年各八十有一歲已孫五人曾孫四人矣御史名其賢今為南京某部郎中云于鱗氏曰季公之賢也身治生而父若子皆以

仕顯長河丞官薄耳其邑紀列馬御史貴倨矣輒謝雖
賓射不再出彼竊借寵靈以炫閭里者何限乃季公所以
先後父若子以仕顯者有道哉豈所謂得勢而益彰者
乎惟孝友于兄弟子孫修業而息之所謂施于有政者
也

汪從龍傳

汪從龍者歙人也名雲其先汪華者隋末以豪起據六
州稱號吳王唐興授總管六州軍事歙州刺史封越國

公至宋贈金紫光祿大夫叔教者始自績溪徙邑之潛川叔教生若虛於江南經制使若海為從兄若虛十二世生道壽道壽生十有八歲而其父士誠卒于客訃至輒往僦而輓以行盡僦乃焚櫬褫諸櫝錫相襲也索而負渡江乃中流有光屬於舟龍輒夾繞舟舟相覆者數矣衆計無所出則徧索舟中諸非常物為解有髮几澤可以鑒者十具以沈猶是也有丹沙煥如燦火者一斛以沈猶是也而衆愈益恐時道壽偃伏莫敢動即再索

舟中念與櫝俱沈耳尋失光所在汔濟衆弗察其所負者枯骨矣道壽生庚應庚應生政和令賢賢生文暎文暎生從龍從龍家自道壽以來四世同居從龍嘗為叔文暎行質子錢家治其婚既已責遂并舉其母所遺篋中裝授馬絨識如故也蓋暎七歲而孤其父以篋中裝二千金屬文暎比授之日已十有八歲暎不知之也再從叔晒議且異產而疑文暎私焉乃索四世所遺者四千金於從龍從龍視其遺實無金而衆愈益譟乃徐發

其橐中書數劑以示衆某之產若干所某所之值若干
金凡八千五百餘金人人倍其遺也衆復恐從龍却取
其倍者輒舉抵於從龍然惡又不能二千金從龍曰先
君子業已領家政而產幸人人倍今舉抵以難我不為
先君子受此抵即公等何以明不私初道壽與其兄同
產而兄輒自鬻於程氏擅不與值吳孺人請則引市而
斷孺人鼻終不與值後程氏復以售諸其祖賢今所舉
抵故斷鼻之情豈論其不能二千金乎乃受抵而衆遂

異產蓋百有五十歲而後備四世之業以報斷鼻之怨
成孝子慈孫之志云嘗於京口夜夢僧而旦得鍾百金
易之歸而置之邑時為郡諸生即守若令無不長者遇
之矣頃之以太學生為山東布政司理問嘗推稅泰山
供客間太山館人各以其客自占至不敢匿一筭由是
不踰月而稅萬金上宮之役並計諸祠時以監者覆視
計簿簿構具諸祠凡數十所計杉竹數千值萬金乃盡削
之止計上宮構具署纔數十金而已屬有司行祠事嚴

諸工嘖嘖謂分作便也從龍固不許輒構上宮而撤其
構構諸祠凡數十所轉相為用即諸祠次第舉矣與其
分作而觀望孰若合力之致期是役也有程材無淫物
有稱事無譎工堦人為火齊瓦而塗焉諸家所不習執
齊上下漫無可稽從龍一日而得其技則相與謝不敢
為奸雖察察務得情然實無它腸歛俗儉視公費如出
諸囊中耳凡四年從為益王府審理有五子各以一經
為諸生云李于鱗曰觀從龍自少與其父俱見苦為生

雖家累萬金知財所從來及起為吏權稅太山行諸祠
監者重有所棄計其幹裁不下鉅萬誠有所不能忍者
也以是得意耳雖欲學吾術豈告之哉能試有所長非
苟而已也

張隱君傳畧

隱君張冲者其先鍾離人徙金陵再徙吳門家世服賈
云隱君即嘗挾策里中學一先生之言然畧大體終不
欲數數佔畢間弱冠往試視業則息錢恒什倍喜曰萬

貨之情可得而觀已然我則不暇頃之乃如京師與燕
趙游間公子為富貴容從諸佳麗人鼓瑟跕屣踰鞠六
博翩翩未厭也及觀宮闕之盛官儀之美與所交賢豪
間長者之游私且慕之曰所謂隱居巖穴之士設為名
高者安歸乎非深謀廊廟論議朝廷何以稱焉而胡為失
當年之至樂不自肆於一時蓋暮年屬父元平公病則
隱君心動趨歸家抵毘陵遇盜請橐中裝隱君懸橐覆
諸地顧主記記諸故人所齋問遺其家者杲若干并委

之無吝色盜以君雍容俾倪故久立微察君君亦恐有
它謂之曰吾既已裝單橐舉笑無已迹將在眉睫焉不
腆千金由將不足以免之即逢蒙視詘要撓膺身質以
謝追吏小禮何所用而斫我為客則一何暴乎賊乃引
去君抵家元平公亦愈所記故人齋問遺者其家往視
君被創不敢問也君則自謂橐中亡恙矣然實已請去
創起視記償之為損千金焉乃益治產折節為儉與用
事僮僕同苦樂不啻若自其手指出三十年間三致千

金嘗曰不時散失無所藏之以故身所嘗施若所已責
不可勝數然終不為德而少年附之輒爭為用屬有天
幸鬪智智勝爭時時會繇是兄滂弟津以儒術起而隱
君用俠聞矣居閒田池之樂歲時祭祀進醵飲食被服
自通也起塾於家日洒掃治具度可供十人者使三子
侍酒於前庶幾賢豪長者適我哉晚尤好山水往往在
虎丘石湖間為厨傳廢一於舟廢一於車至即其方返
即其期蓋繇是不窺市井矣李于鱗氏曰王生往為余

談隱君家仲子獻翼兄弟故奇士也久之仲子以諸君所為隱君者列傳言屬余余觀所論次隱君者梅子真臯伯通之倫與亡論割股薦母稱篤行君子即弱冠游京師自肆於一時斯亦誠理所取焉烏氏保一鄙牧長今安得抗禮萬乘事及稱倭夷犯郡時隱君傾身佐縣官之急以比於任氏之義公事不畢不得飲酒食肉以為閭里率大體如此吾必謂之學矣日治具庶幾賢豪長者適我仲子故奇士其所由來遠哉

武母太恭人傳

武母井陘人姓畢氏處士宗伊季女也其先莒州學正
忘其名以直言顯湖廣參議鸞孝行表里門臨漳訓導
居仁稱經師也母自以世家女通內則孝經大義歸邑
處士用之遺腹三月而用之亡年纔二十有四既彌月
生子礪甫凡三十二年而礪甫舉進士除長清縣令入
為吏部主事凡十二年而母封太安人又三年遷郎中
而母封太宜人又一年擢太常少卿而母封太恭人是

時母年七十有一五年而王用三錫蓋殊遇也先是礪甫在諸生中母年五十有司上言節婦狀先帝命表母里門矣攀龍曰余觀程嬰杵臼之烈殺身相勸也託孤為難焉一寡婦人而提六尺之孤義不辱則毀髮膚以杜求者無已感慨經溝瀆自謂永訖計畫無復之耳無論形虧而行立之為無以自全即身亡而孤存亦為無以自免也受其孤而使有所不可知猶為重遺之矣既阻薦饑匍匐拮据更依父兄輒貽不淑天所不能奪也

衆方用暴以孤為辭是非示之以有累之形而誨圖之
哉將何所不至也乃武母故自有母才云礪甫又為余
言母家代自有節婦蓋其天性也

錢塘節婦凌太安人傳贊

以余觀於凌太安人何世之論節者之固哉可相勸而
成也可相勸而成亦可相靡而敗烏在其為天性哉方
太安人撫遺孤纔五月一老姑相依至戚也姑而姑諷
更嫁之諷更嫁之矣乃歲凶復不能具饘粥共養如姑

意罵詈曰滿室曰婦何家不可居而自苦若是如就嫁之者不嫁也日所恃族長者而族長者諷更嫁之作使豪奴並肆侵侮惟產之睥睨而藐諸是圖危矣不以扶助德美為華寵也曰婦何家不可居而自苦若是如就嫁之者不嫁也孰不愛女太安人尚亦有父在父而父諷更嫁之至今踰年廢歸寧禮以自絕而猶未置焉往曰女何藏之深也則操挺劫之至今頭搶地觸几案血流被裘經而猶未置焉至今斷髮毀形以相視有父而

悖如此者乎曰女何家不可居而自苦若是如就嫁之者不嫁也人情為其子以婦為其子之孤以婦自為以婦而姑不然矣人情族有孤收之以其母有婦庇之以其身而族長者不然矣人情欲其女有令名亦欲已有令名於其女而父不然矣是三者所遇皆非人情太安人可以影響自解何家不可居何家之無姑何家不可居何家之無子舉產而授族長者屬姑焉委之以不可知之子而且令父自絕於所適何負夫也難者曰姑且

老可竦藐諸之謂何則季子業以孤寄之矣曰是猶相
勸而成也三者所遇皆非人情而太安人卒能事姑立
子今聖天子明下詔厥高行見褒朱轡而守建昌者孤
邪是靡之而勿敗則非可相勸而成明矣今謂太安人
自存以存其子太安人假無子將為一訖計乎勸之勢
緩靡之勢急緩急非所論此余所以謂天性矣故語節
而待子無以處夫無子者也

滄溟集卷二十

欽定四庫全書

滄溟集卷二十一

明 李攀龍 撰

墓誌

明故中憲大夫陝西按察司副使江君配恭人

郭氏合葬墓誌銘

君諱濬字子泉蓋梁散騎淹之裔有諱湖者自棗強徙
濟南西門外負郭巷方水而居焉至今稱江氏之池云
湖生秀復徙城東四十里許杏園因占籍歷城秀生太

學生得辛得辛生洽洽生璘璘生燦燦娶任氏生君君
生十八歲為邑諸生正德己卯舉于鄉嘉靖乙未授直
隸真定縣知縣縣有黠少年衷石橐中而假宿館人旦
發其裝佯驚謂曰是安得竊吾金而易之石乎獄且成
館人笞掠無所得君至輒鞠其金所從來曰舉諸其子
錢家備引子錢家無應者少年遂伏罪而君稱神明矣
凡四年以薦疏十有三徵為四川道監察御史從幸承
天除道滹沱河檄有司造舟為梁覆土其上列檻屬之

而大駕以渡蓋自知縣時腹畫如此明年巡按隆慶劾
奏大同總兵江桓下吏敵再入侵遂皆以捷聞賜俸一
級衣四襲銀若干兩明年巡按應天奏罷府尹洪某及
奏池州知府柯某與撫臣異狀奪俸二月以南臺御史
奏解遷太原府知府者三年以奏最贈父如其官母太
恭人先是晉宗人其祿以萬數將軍中尉而下躬自簿
計郡庭紛不可問君為之約曰使我戔焉一宿有蘊藏
詰朝相見也自後宗室干謁是懲而仰給自遂至今便

焉有聘女而其子甲卒者欲以妻其子乙其女既已改適則誣以為聘者乙也而訟之君微得其情命以後壻之聘三十金償前壻家協笑及逮按察使則奪以與乙其女而致令夜縊衆蓋蓋直君有其子不孝以屬君欲殺之則筆而示之病不一也乞原則又謬為不可者以數苦其慈而重貽之德久之乃釋其子卒為善士人謂君有仁術類不可測如此云又三年遷陝西按察司副使整飭洮岷邊備凡一年歸濟南凡十有五年而卒蓋嘉

靖甲子七月二十有四日也距生弘治丁未十二月二十五日得年七十八歲恭人郭氏泗州同知夔之女年二十二歲歸君贈太恭人之年封恭人封恭人之明年卒於官實嘉靖戊申九月二十九日距生弘治辛亥八月十七日得年五十有九君嘗語人曰恭人歸我蓋三十八年盥櫛未嘗干日也子男邑諸生如錦一人孫女適郭維藩者一人適鄭申者一人先是恭人自太原藁葬郡城東七里鋪南某年月日葬君於杏園祖兆東南

五十步恭人就祔焉蓋用君所自卜兆云志曰今之君子患自視太淺矣君蓋起家縣令入拜御史再按畿內以軍功受賞上書言事唯所論罷仕宦至二千石出守大郡遮留踰代分臬西檄東憲一方不可不稱得志焉嚮令實無所長徒芥蒂一第沮於自効謂不可覲非常之遇於繩墨之外而槩人以不廣何以自見如是哉是為之銘銘曰莫致之其孰壺之莫畀之其孰寘之是器是容是幟是從寧踏馬是託勿適馬是獲約不劑能格

不制才庶有開於將來

明故中憲大夫陝西按察司副使范君暨配宜

人楊氏合葬墓誌銘

按崔子元吉狀君諱瑟字孔和其先晉士會之後蓋
武文宣獻以來子孫蕃衍於齊衛間矣元末有名思溫
者自東平避亂於郡之天馬山因家焉是為濟南始祖
云思溫生常常生整整生勝勝生福贈君福娶馬氏實
生君君生十餘歲讀書於芙蓉山嘗有二龍窺頭於牖

抱尾於堂者諸生咸辟易走君不動但曰我獨何覲焉
頃失二龍所在諸生繇是咸竒君亡何復聞天樂作雲
中聲殷于庭諸生不聞也君乃竊喜益自負年二十二
舉于鄉壬辰登進士第選庶吉士明年以贈君喪歸乙
未起家授翰林院國史編修修宋史校皇祖御製文進
經筵講官明年上昭聖慈皇太后尊號得贈贈君編修
戊戌分校天下士明年謫開州判官身勦巨寇安自強
之亂量移大名大名有段生者報笥發焉金也輒斥使

去門下而郡中廩廩矣尋擢南京戶部主事歷員外郎
郎中乙巳入賀遷四川布政使司叅議護上川南道治
雅江上游並大度河古流沙之域先是都蠻之叛守臣
檄兵討焉輒為所抗君至乃罷討都蠻兵身以朝廷威
信往諭之都蠻皆稽首謝請內屬如故庚戌再入賀遂
拜陝西按察司副使分巡西寧道明年屬征羌兵既出
道遇暴風起於車東入於其西謂諸將曰是何祥也羌
豈舍掌吉而就紅崖乎乃趨紅崖羌果至迎擊之大破

其衆二月晦復戰於紅崖斬其酋長九人八月又與戰
戮其酋長寫爾定數輩而羌平屬北虜旁塞君欲乘餘
威驅之乃遣百戶李堂齎牛酒往風其王俺答不亥曰
君移部乃直武威直武威厭人邪將遂欲與諸羌豪合
也使者乘障出士卒候望寒苦久勞君無益天子神靈
諸羌豪先後既授首幸不屯備南山即所請朔方騎士
亡慮三萬人尚在此張掖武威驍卒萬人羌降兵萬人
不合將焉置之量君所部不滿四萬耳孰與漢卒彊也

即諸羌願合脛中豈得入豈得從枕席度虜乎虜無以
應明日獻馬十匹謝頃之君輒出莊浪則虜在焉然業
已疑君有伏兵則走黃羊抵黃羊則君在焉虜乃引去
壬子虜更寇三川君將兵三千人往禦之復破其衆於
紅崖是役也斬首數十級并斬肯騰狼台吉諸將並服
君多筭云事聞尚書上其功未報明年以他奏報免其
官家居十餘年而卒宜人者處士璵之女贈贈君之歲
封孺人君為郎時贈宜人宜人生十九年歸君歸之日

君舉於鄉已兩月矣自以不得裘褐事君子蓋終其身
無間言君自為宜人誌今不具列焉君卒嘉靖壬戌七
月十二日生於弘治甲子十月一日宜人生正德丁卯
四月二十一日卒于嘉靖丙午二月十七日子一人時
棟郡諸生先娶金氏蘇州知府城女繼娶王氏某州判
官寵孫女女四人一適應州知州馬應奎子班亦郡弟
子員與時棟俱宜人出其許聘舉人耿尚文子熠某縣
學訓導袁霑子夢庚廣東道御史薛樟子耀者封宜人

李出也孫女一人王氏出未聘卜某年月日合葬于紫
青山之陽余往在關中聞邊長老言君所起湟中塞百
四十里稱累世功紅崖之役先利致敵再策先虜一何
雄也向令以一儒臣卒謫去何以自見乎猶復制於脣
舌尚書報罷竟免官去是鞅鞅耳贈君善堪輿家言實
荒芙蓉山徙焉豈法故當叶龍祥哉是為銘銘曰孰是
倚而伏之孰是蹠而復之與其絀於口也寧絀於虜絀
於虜猶可禦也絀於口不可詛也

明故奉政大夫涇王府左長史張公合葬墓誌

銘

是誌也公蓋已葬者四十五年于茲矣隆慶庚午太學生子舍以父教授君卒屬誌于郡人殷大宗伯得請而謂余曰先大父之謂何而不肖何敢不以先父望疇者為先父望君幸追誌之也余若以為世德大誼遠而不置猶之難已誌焉誌曰公諱齊字宗魯其先定州人元末有高祖敬中者徙歷城敬中生獻舉永樂辛卯鄉試

仕南京後府經歷獻生諒郡正術贈僉都御史諒生鼎舉
成化乙未進士仕右都御史娶翟氏封恭人成化辛卯
十月四日是生公云年十六為弘治丙午屬都御史謫
從之彬州歸補郡弟子員舉乙卯鄉試己未卒業大學
正德改元都御史為逆瑾所構又從之獄橐餕愈益謹
戊辰遂不就試大宗伯明年恭人卒又明年都御史卒
癸酉乃謁選授金華府同知矣俗故健訟公先繩其枉
者片言伏之株連立遣苟得其情代贖頌繫虛園實贖

餘姚李江者與其叔虎殺父之妾而無毒迹公佯言曰
聞此妾尚少安得白髮乎乃檢鬢然視之鬢也蓋掘它
屍以命所毒者衆遂稱神明凡再攝衢州嘗一日傳爰
書十三事記委旁午舟車之跡交於兩浙嘗督兩浙會
計即會計兩浙自當臺省愈益賢之丁丑上績進階奉
政大夫己卯攝行覲事辛巳宸濠之叛公屯于境上草
萍塞禦馬嘉靖改元滿九載且行過潛見築甬道長竟
縣者公為白臺省罷其役亡何遷涇府左長史涇府實

始封王相以下尉卒數千人給廩無常時公至白臺省
一旦為給廩者三年尉卒乃復有固志乙酉十月二十
二日公以脾泄卒邸署教授君奉柩歸葬于郡城西四
里山祖兆云公娶贈宜人蘇氏陝西按察僉事泰之女
弘治庚申年三十二歲先公二十六年卒公誌其壙繼
娶封宜人秦氏嘉靖乙巳年六十五歲後公二十年卒
祔于公馬皆以公丁丑上績得稱宜人也公生三男子
汝椿即教授君自泰安王府改寧海王府娶壽張郡主

女沈氏汝桂太學生娶聽選官洪漢女汝南郡諸生娶
某州吏目周洪女二女子長適李時雍次適都指揮彭
烈皆蘇宜人出曰暉即子舍曰晄麟遊縣教諭曰普郡
諸生曰曉曰著曰曾曰昱曰旦曰章孫男凡九人矣秦
宜人無出曾孫多不次云乃系之銘銘曰孰是子而父
罹而不可揅也孰是守而民罷而不可揅也不宜其親
胡宜其民三襁用彰于焉以藏

明開封府同知進階朝列大夫王公墓誌銘

公諱詔字孟宣其先棗強人洪武初五代祖士賢徙為
歷城人曾大父恕大父驥父福公生頎秀美顏辭正德
庚午偕計遊京師凡八上嘉靖壬辰領牧定州州畿內
都會地雜夷守無良去者公至更約法示誠信及旬而
善者安釐弊幾盡及月而獷悍息蜀生卓某者道定遺
百金之裝索之塗公曰第往當有守者至則守者一人
至生謂曰百金雖微不可携而去乎曰人有棄子公嘗
不忍為泣活之我即忍爾草轉于公之境哉梁御史來

按部猝入獄惟二囚繫焉登上考去先是州田多汙萊人不能市牛耕公乃為孔明木牛法力得半牛在定三歲以狀公最者疏二十有二擢開封府同知會朱僊鎮盜起陷尉氏公即日往擊賊設伏扶溝下約舉幟翼攻之賊果嚮扶溝冒伏中遂鼓而捕首虜執訊以還公蓋微知賊家在扶溝必重質妻子也戊戌河決金相寺口水出地上一丈所石橋歸德間方殫為河二洪寘雍漕粟不得從河上議者謂自孫繼口至清河口百餘里大

興卒塞之非十四萬人不可使領吏且六百人雜作治
河卒受平賈與伐買薪石之費期六月計十七萬餘緡
是時公實注治河徃行河曰是在我即湛祭令水工表
獨以徒四萬塞菱而自蹈橈理楫事徒四萬亦勸赴車
百餘里雲舉各自以為常見公凡三月河隄成纔佐吏
數十筭九千七百餘緡而已績上賜爵一級視從四品
時行郡得金紫乘五馬轡馬而母夫人李且卒歸治喪
比禫亦懸車日弦誦吟嘯檢古書文帖泊如若忘其嘗

仕也公初工五言詩與劉選部天民名相及同郡邊公
貢稱兩生俱俊傑其在京師而信陽何景明亦善公即
雨雪逢人日江湖問客星播紳至今傳誦之因知孟宣
名也余惟吾郡非不代有顯仕乃推與後進薦寵下輩
以是稱厚君子郡中士亦相與愛附公可謂與斯人徒
者矣即使徒致卿相以尊大取棄絕卒老何足以易此
哉銘曰孰與游者當世士牧則仁人儒君子六十樂天
今已矣公安此卹貽後社

明封文林郎開封府推官汪公墓誌銘

公諱文顯字存道新安潛川人也其先曰汪華家績溪
為唐歙州刺史封越國公至宋贈金紫光祿大夫叔教
者始徙潛川叔教子若容若思從子若海皆舉進士若
海即嘗為江南經制使勸進康王者也十三世生彥仁
彥仁生汝珍汝珍生公公家世世服賈往來吳越間即
衰老復聽子孫修業而息之屬公早孤鮮兄弟彥仁公
乃不復欲公行則請行歸視息什倍彥仁公又欲公行

也則顧不為行曰計不暇席奇勝者不當如是乎及視其所使則無不人嘗相得轉轂殆百數賈郡國無不各如其身往矣嘗貸故人胡輔三百金至試無所長欲其術不告也胡且卒公亟置酒故人子令彊飲食謝不收責且五年矣鬻地於汪循宗人所汝錫宗人則心欲之若有怏怏移德於公者公謂汝錫今若是迕而與叔父地叔父猶無受也願以異日請治垣舍亡何汝錫持循陰事以告公公為致前地也卒解免公齋用既饒耻溝

堅有期功之親宗族貧來售田即使田售宅即使居飲
食必自祝曰天苟有汪氏尚及無悔於予身公身自為
葬者凡四世嘗曰吾何能效邑屋中豪越締從他縣爭
地以訟令殯者纍纍在堂寢而我衰經就繫逮吾生平
不讀相冢一字書也吳甲者嘗自鬻吳元家故冒姓吳
氏後與其主埒富乎吳元將殺之不解千金客曰以存
道之義爾何不令居間公既脫吳之阨固奴畜之乃暮
夜持金來卻之曰吾往即嘗為商賈之事何至於爾哉

此何異比部君在大梁為理時所聽杜給事事杜給事
殺人大梁中使裝玉帶明珠行公所公心知比部君廉
吏問遺不得至前則謂客曰即吾兒受賕不當致之大
梁郎中乎不去今且以爾往對簿論殺杜矣是時使公
籍令揚比部君名何不可哉乃大梁人愈益稱說公初
公年六十時會病以句曲山人楊君來居數月大愈體
復堅彊如昔時然一切不關家事矣乃謂楊君治生者
之於養生殊塗哉無論愚者多財為害即賢者稱明積

著之理始亦莫不走利如鶩乃所樂觀萬貨之情一人
操息縲至輻輳此有知盡能索耳終不餘力而讓財精
神不愈散血氣不愈衰乎吾幸於前人得修業而息之
即擇人任時至道家所忌未嘗敢一日處知言哉公以
嘉靖戊申十二月十二日卒年七十有一歲配太孺人
方氏如孺人者一人張氏三子一貫郡庠生先公卒一
中即比部君余同年進士一誠國子生二人皆太孺人
出也銘曰彊于宗家彌蕃兮恬于生身彌存兮尚亦有

利于子孫兮

明文林郎四川灌縣知縣周公叔夫墓碑銘

公諱奕字叔大本姓劉氏其先寧國人六世祖達一者
生政卿始冒今姓政卿生德始以徙戍金齒家焉德生
晟晟生玉是為公父至老不識衡量嘗夢白象而詰旦
生公公生少不弄長不詭也通五經尤長於春秋弱冠
為郡弟子員比有司大張樂送之學宮公獨乃先往郡
太守異焉嘉靖戊子與計偕乙未以親老不赴大宗伯

頃之而公父果卒戊戌除灌縣令縣瘠土又當威茂二
邊餉道公携二蒼頭之任曳革履一兩耳食無兼味有
餽之餌云可化為黃金者公舉以投諸江灌大夫以公
無家客甚久飾美女遺之不納也臺檄歲報贖金視多
寡上下其考公曰是使我剝民以稱最何不至哉即有
事它邑單騎從之見者以為簿尉矣其天性儉素類如
此灌既治改雲南府學教授蓋公以母唐老不能就養
得請也歸之日有以十贏為公裝者目之乃前所理大

辟囚某也公遽曰申寃令職也以若所為是市之矣改
官改行邪且吾二蒼頭鼓篋自喜十羸安所用之然唐
孺人猶未欲詣雲南公時時取給便省矣凡九年門下
士嚴公清郭公斗輩彬彬起矣屬當報績京師公曰吾
遠灌為母也遠者歸矣歸者更出乎遂拂衣去先是學
官使者太宰吳公簡諸生而授公公之子紹稷與焉屬
以雋且既廩而吳公輒遷代者有欲於公而公意不與
之紹稷辭既廩矣為生既廩既用修于公而生亡公則

反之也諸生某延公而見其妻公怒罷酒皆謂公古師
儒云余惟古語有之唯色毀廉公無家於灌而卻美女
與拒諸生之見其妻也物莫有能動者矣今之師儒不
稱腐而稱豎其事監司之臨學官者何不至也且人亦
孰不欲其愛子之成功名至今不得隨牒既廉也戚矣
寧中廢業而意不為少假以傷不阿之誼豈不謂古師
儒哉母氏之故九年不衰屬堂上績拂衣而去茲與其
父老為不赴大宗伯一也功名之會難語天性其然哉

汝寧徐使君嘗為余言周真陽賢余視海浙中見真陽
在學官中得為公具列之如此公生弘治己酉卒嘉靖
丙辰配陳氏子一即紹稷故真陽令寧波府學教授娶
王氏女二適張轅馬必昌郡諸生孫男二思兼娶潘氏
思永娶胡氏孫女二適莊東王廓曾孫男一曰歷是為
銘銘曰懿厥弟子張樂學官嗜音之戒養正於蒙爰及
令灌華履楚然就其在御二奴比肩投江之餌可為黃
金與彼美女無貳爾心徭無異邑匹馬是將行無改官

始節是裝師儒之求匪修乃承譽髦斯士接跡同升監
司孔臨抗言用違維母之故已而遄歸真陽世德永以
為儀克咸厥家有繹其辭

明將仕郎趙君墓誌銘

君諱應奎字子徵其先棗強人國初有十四者始徙歷
城十四生七七生榮榮生通通生樂樂生強強生四子
君其長云始君之以長史功曹掾除壩上倉大使也客
有過而勞焉者君則謂客豈以倉令則已卑邪吾猶為

之凡以可因分自致耳是役也實單車之壩會計惟謹束橐較於輿薪執概不爽釜鼓然奉已薄輒取給家廩用諸弟轉穀歲餉之矣居一歲改小真村巡檢屬有劇賊阻聚松徐間諸二千石不能禽制則檄君捕之君乃率卒往遇賊輒格鬪俘乃十數輩賊益悉衆拒我君卒不及賊三之一遂為所獲坐君于中直兵在胸句兵在頸環而視之不動也已乃從容為陳說利害曰固欲其安之也賊亦尋解事聞諸二千石無不壯君之為人者

績書交最不次遷矣亡何輒棄官歸濟南則長君世卿
舉于鄉之歲也君纔年四十八客有過而止之君又謂
客吾已試為吏無卑者去不為吏無少者今何能忘除
壩上倉時相勞語邪歸三歲隆慶改元四月九日終于
正寢以生于正德丁丑十二月二十二日得年五十一
歲配姚氏子一人曰世卿娶孟氏女二人一許聘王閔
玄一許聘王侍講孫男一人曰勉學女一人未字卜集
年月日葬郡城東祖兆次誌曰信乎吏之無卑也壩上

之役束橐釜鼓皆朝廷一倉令執槩軍國持平分可自
致效卑成尊坐于賊中環視不動苟可安諸郡見危授
命生而有所不用而後能用其生也孰與陳說利害使
之自解之為從容君子曰解官之難於解冠也不能坐
于賊中而能一朝長往邪奚自致有二也按狀君蓋既
棄官歸之日宅不更隣田不更畔身與太公恬焉顧所
為諸弟奔走徭賦者不以疲于棄官自諉可謂孝友為
政克明大誼者哉結髮諸掾積歲試為吏一朝棄之無

論其年可以為難矣余聞之殷少宰從游之士以長君則吾門唐子高焉蓋稱舉德性今觀將仕君之為人所繇來遠矣是為銘銘曰孰尊是須而卑可踰孰安是斲而危可罹行之既舒止斯有餘分不常在天自致則然曰君子之阡

明太學生聶君以茹墓誌銘

君名鑑以茹字其先長干人也蓋曾大父士誠始遷曲周馬大父文以高年起民間賜爵一級父景岩為郡功

曹時則生君君為兒時嘗問母郭氏即兒年及母母奚
若哉曰是時爾且以蘊裡掩我地下矣君遂號泣終日
不嬉戲弱冠以訾入為太學生蓋兄事唐山馬健弟畜
渭南李文進之屬相與抵掌言天下事矣識者以謂即
以如彊仕何國家不可為及被徵詣京師則又見今所
謂賢者卑疵蟻趨以得人情惴惴焉猶日懼以冒於罪
罟無不包藏機心狙伺事會此非夫色厲而內荏者邪
吾即何異於鹿豕又安能效騏驥局促轅下乎將伏尺

華以範我馳驅也是豈其意哉初豈願以其訾賈患也
輒歸不復語仕進矣君性好施予即母外孫趙氏者母
襁褓之功也嘗以謂君君曰此其田二百畝趙氏何憂
孤乎以余觀於以茹山居耕田而得食不賁羽儀矣起
而為吏身諛佞者寵利行不恤鄙夫身雖汙辱哉用居
上為右試官又恐比周賓正為姦觸大罪怨及朋友諛
佞安可為也念為婢直奉法不阿動忤衆枉行危而毀
成倖直安可為也是則以茹哉銘曰君子之屯以保其

身有孚於哲人兮

明處士襲公墓誌銘

處士諱彪字仲威少時嘗為縣官輸租廣川主計吏以輸者填委謬署處士牒以捐之遣令去矣處士竊念生平義不逋賦稅即一旦出門輸租縣官何可輒令有離上抵負名乎竟自請輸租也久之又為縣官輸租詣京師見遺錢百緡于道中緡相屬也稍稍致之車而逆旅人意且私之矣乃謂處士持錢百緡猶為暴藏孰與易

之金而橐中裝焉便也逆旅人固進處士固謝乃馳及前遺錢百緡者視錢百緡亡其車中處士下自致之曰貫得無朽哉輒超乘不顧而去豪長者馮甲嘗假處士宗人粟三十斛矣處士不知也而宗人自馮所來言收債事處士曰吾即不能贍其族雖有粟降之天猶之露食也且馮君不難指困授爾何可使失要期乎乃為具三十斛粟償之馮亦不知為處士粟也嘗謂諸子非其命求無益于得即當饜糠覈奈何欲啖麥飯亦卒然喪

喪著覆地上爾不然款款仳仳口約腹裁雖一錢捫之
汗出不能去手老至操財愈急其不才子亦已視產稱
貸恣飢麗游飲詬笑乃翁纖晉作苦宛其逝矣即倒囊
入息於子錢家甚者卒失業市乞轉溝壑令里閭咄然
相戒寧極慾於生前耳吾豈嘗不慮及是乎處士侃侃
性尤不喜巫祝嘗謂不盡此輩焚之天終不雨已則情
不力穡而徒以穰田哉不已疏乎是為偃偻跛媼疾廢
之婦以馮身狐祥厲鬼而頻行為祟者彪安能以八尺

軀磬折於前甘令其恐喝數切不敢仰視已而操吾豚蹄斗酒以往哉由是菑濟之東巫祝女子凡以其土偶若桃梗人遷者數十家笑處士其先素強人六世祖諱全者始徙章丘焉而成而士達而彥祥而子整而昇昇即處士父也處士生於成化四年三月十二日歿于嘉靖三十四年六月二十七日妻五人子四人孫男九人蕭氏生曇一人曇之子光燦史氏生昆與勗二人昆之子光耀光燭光焰勗之子光炳光煥其晁一人生子

曰光炫光煌則又一蕭氏出也其次魏氏賀氏及女二人曾孫男若女十二人不具其所自出焉勗實處士家季子哉所為文章稱博辯君子余弱冠與游甚驩即猶與光炳光耀處諸生中也其年十月十二日葬處士於蟠虬澗之陽以許邦才所狀示攀龍為之銘銘曰不啗於人寧聽於神宜爾子孫振振兮

明故許處士配張孺人合葬墓誌銘


許氏其先棗強人也有諱伯成者始徙歷城云伯成生

本本生敏敏生瑛是為處士父處士既總角受大戴禮
補郡諸生矣則寢疾者數歲瘳而母陳更寢疾則更受
素問難經諸方書而母陳疾亦旋已處士雖好數然慕
張子和之為人自言時時以其三法者視人無失也每
為長史君稱黃老家言慈儉不敢為天下先吾用之且
四十年而匿迹自隱不敢以其伎成名矣初處士弟鎰
家有巫視病者處士實懷利錐往會之至則屬其從弟
子女數輩曰何累累者腓乎有鎰在此蓋踰日竟無降

者相與睥睨處士也處士乃出其錐謂曰神固當患若此哉不腆魚菽在此其以歸矣不然徒敝鼓也蓋自是諸許氏無復謁巫者處士之力也張孺人宣之女也生十六年歸處士處士兄弟七人婦皆名家子人人無不自以為視具工乃姑陳則數過處士食徒以為所進必所欲也陳故時時寢疾即加一飯脫然愈即損一飯脫然愈孺人視處士之視母功常居半焉長史君既調永寧孺人謂曰男子之建功名周旋惟四方何可欲更得

如趙州者在爾宇下為善地又何得以我老為解即不行所為嘗爾者豈更憐爾而遂以一蹶已使甘心我乎及遷今官孺人即又謂長史君在永寧時孰與今官親者親責之故者故望之宗族鄉黨遠於萬里又安得以我之故稱便也蓋自是長史君益莊而官屬益畏矣至今諸許氏皆謂孺人相夫不於處士或以其母或以其子云余惟處士懷雖事大類西門豹故談笑足以移風俗雖長者為之又使當之永寧時非孺人數語引大體

長史君安能慷慨萬里也處士字待時鉉即其名生于
成化八年正月二十九日以嘉靖七年六月十一日卒
孺人少處士三歲六月二十三日生卒以嘉靖二十八
年十一月十九日子一即長史君邦才也孫復郡諸生
卜三十九年三月六日城南某村之祖塋改兆葬處士
而孺人與合請余銘銘曰胡既以慈儉不敢為天下先
又胡欲託於四方以周旋弗匿弗章弗蹶弗行子孫振
振有懷二人哉



滄溟集卷二十一

欽定四庫全書

集部
滄溟集卷二十四

詳校官庶吉士臣柳邁祖

中書_臣劉源溥覆勘

覆校官中書_臣朱鈐

校對官中書_臣嵇承志

謄錄監生_臣陳振德

欽定四庫全書

滄溟集卷二十二

明 李攀龍 撰

墓誌

明處士李公宗滿配黎氏墓誌銘

公諱科宗滿其字其先南雄之保昌人宋建炎中有祖
二十八宣義者始徙家番禺焉高祖諱明廣曾大父諱
緣富大父諱秀紅嘗屬歲大饑盡輸其家粟數千石與
番禺令收給貧民廣州上富人助貧民者欲為請賜爵

一級不聽曰奈何以溝壑之身從父母之邦奪長吏振
民之權秀紅生父政娶唐氏實生公繼室以梁氏生弟
舉公生十九歲失父即事梁無異舉舉即事公不聞有
唐弟既葬則從公言田宅公即聽所欲為田宅者而獨
取其所不欲凡數年弟所為田宅者輒稱不便公又未
嘗不輒聽易之司勳君既舉進士邑長吏時時往存公
公輒稱下堂之疾謂諸孫勿言若翁足不良行即平生
未嘗至城府昔賢所以加故人腹者直此爾至城府義

不可無趨走孰與下堂之傷邑長吏使使問公年七十
爵一級公曰自垂髫至今日一塵之氓終不能束帶見
長吏矣使又言邑長吏既重公豈欲言事乎曰一塵之
氓何知事何所欲言其長者如此性尤不喜靡麗司勲
君嘗為市一褐自京師遺公不服也以示諸孫曰吾老
乃見西土之人衣禽獸之毛以生若奈何休其蠶織矣
公生成化丙申十二月初十日以嘉靖壬子十月十六
日卒配黎氏先公生四年三月二十四日也後公二十

六日卒男子四人長仕鸞封吏部考功司主事次仕鸞
仕鴻仕碩俱廣州諸生女子一人適邑人龔怡孫十一
人長曰价即司勳君先官如其父所封次曰材柄樞楹
機模楨杜植楷女四人曾孫男三人曰耀曰煒曰熾於
某年月日合葬於某山之陽余惟人情少而自見苦為
生難者必重棄財何公不擇與弟田宅又聽易之即令
公之弟盡沃饒不能勞以嚮義微有廢著之刑魚并家
逐逐日月取之則祖若父之產將在他人公何以稱孝

友于兄弟以為雖數易之亦猶是在吾兄弟爾聽之誠是也昔者梁公實嘗言司勳家如此因為銘銘曰我履我即為儀不忒是以有友德

明處士劉公暨配蕭孺人繼配陳孺人合葬墓

誌銘

公諱傑字漢卿歷城人世居邑之西郭高祖諱子賢生二子並逸其名其長子實公曾祖生祖泰泰生源源生公公生失學即行舉天性而已然孝弟顧無異於儒者

公以仲子而父養於其家至不能如約更過伯子養且月朔必治具往候伯子于庭以為常嘗值其怒誤過而仆諸塗不加哀焉公喜飲酒一醉輒十餘日終其身不知欺人人欺之亦不知也初娶蕭孺人生欽欽生四歲而瞽五歲而蕭卒乃娶陳孺人孺人生十有八歲而歸公公時為襁褓匿蕭遺瞽子於它所孺人輒索母之無以異已出自歸公未嘗施朱粉事翁若姑未嘗假湔浣而躬兼治產不憚輟瘠嘗行園見葵楮於束薪孺人以

葵辟蠶以楮苦絮也而傭保咸手指自效矣有鬻飴于公質以其耜曰是首山之銅也計飴過當則慨然足以白金孺人曰豈古所謂以鐵耕者妄乎以嘗諸礪鐵矣謂白金曰此獨得不贗邪以嘗諸火又鑠然錫也遂不售公一日亡其盥器求之弗得孺人曰此必某持去求之果得自其屋間某懼而謝孺人亦謝曰誤以薦飴寧盜哉公問孺人曰彼每鬻飴必早出昨獨後爾傭保某晨作而醉孺人曰是安從飲安所責乎對曰從某媪貰

酒宿之責也。孺人使之媼，則已讐孺人以視其篋中錢果半亡，乃遣某遣之。日遽謂公曰：「彼即遣，豈能須臾忘我篋中戒之勿輒醉也？無何遣者果與數少年夜絕垣而下，以為公醉無疑。一婦人何能為公？時實大醉，孺人遽起服公衣而冠，操刃以出，命二婢子抵關衛公。諸傭保見以為公出，乃大呼曰：「家丈人至矣！」遂鼓擣二少年，餘賊悉遁去。公猶未之覺也。其精捷有才類如此。公生於成化癸卯十二月十四日，卒于嘉靖癸卯十二月十

六日蕭孺人生卒皆逸不次陳孺人生于弘治丙辰六月十六日卒于嘉靖癸亥月日與公同公凡三子曰欽即蕭所遺娶王氏曰欽辛酉舉人娶賈氏曰銘邑諸掾一女適錢世賞與銘皆早卒則陳孺人出也孫男三人崇德邑諸生娶德府奉祀胡士恕女崇禮崇志欽出皆未聘孫女三人一適訓導袁霈子夢斗邑諸生一許聘御史趙繼本孫克塾一許聘舉人陳九疇子夢芝與崇德皆欽出嘉靖甲子二月十有七日將以陳孺人合葬

于公之壙五里溝之原而請余為銘余聞孝弟至行學
所不能為以是謂公行舉天性而已狀又謂公終其身
不復知有人間機械之巧不復知人間有機械之巧矣
雖有巧于機械安能用諸其所不知者哉孺人既慮遣
者而倉卒圖其便即竊器而往又以為誤而謝非其盜
是安得獨言學也撫蕭遺瞽子而復撫瞽子所遺為激
於匿諸襁褓時卯是為銘銘曰不駭於機械其神乃全
不躓於顛沛其知乃便以性行者合天以德慧者合權

孰不近道而學無方孰不達變而應無常濬茲發祥永
茲偕歲

明汪次公暨吳孺人合葬墓誌銘

次公生十四而無寵於父也有奴睚眦父怒而不言公
輒奮白梃詬曰奴無禮於家大人罪當誅奴蒲伏受杖
乃白罷之而里中壯之矣比居庭惡聲不及犬馬父疾
為侍卧起浹旬輒瘳父乃大驩驩之日乃自燕代請鹽
筴客東海諸郡中而昆弟子姓十餘輩亦因受賈從公

公既饒弟姓亦各數倍然後報成於父也時東海諸郡
部使者視鹽筴必召公畫便宜有司乃藉公為鹽筴祭
酒而浙東西皆知汪次公中貴人景之守浙也欲賂于
賈而誣之法賈皆亡至括則獨疏次公名謂吏此節俠
得之勿問其餘吏顧得守信公曰奈何以我殺季乃自
詣吏景目而誰之公曰歛賈豎汪玄儀也旦夕且千金
為壽不忍須臾貴人耳景曰吾聞守義不聞玄儀公曰
字也此中善視賈豎故不名公出則實無千金念紹之

重其禍即持券貸郡帑千金太守梁公許諾會劉瑾敗而景收公得完諸賈勞公公謝曰干支家言我生之辰適有天赦果然蓋戊子六月六日也公年六十歸自東海老焉曰安能白首刀錐為二子虜也吾所為修業而息之在此兒矣蓋中丞公已生者三年乃舉進士除黃巖令乃大喜曰孺子試為吏矣服駒以轅齒壯則良發軔雁行吾懼其泛駕已嘉靖戊申八月二日卒年八十八歲云吳孺人者歛之長林人以大父吳公予公而歸公

而吳公故客甌括間孺人則勸公受賈吳公也公行孺人爲治室中則室之南宗人疏屬之產十餘家家質於孺人孺人無弗應而又不責其子錢居數年諸宗人皆德之會有故轉徙則十餘家家屬孺人矣公由是不問室中至家大政積著之理顧未嘗不取裁孺人而徃徃片言定也初孺人與媵黃氏俱未有子有爲使物之術者謂公父曰何公之先府君有客乎吳公也其謂府君曰我之帝所乞丈夫子畀吾孫既得請渡河而爲執輿

眇夫吳某所覆丈夫子仆輿下左乳中石傷吾因以石
識之異日洗兒懸疣乃去又謂府君謝矣曰吾亦得請
於汪氏之宗祐矣又為客荅曰雖然必以吾所請者畀
吾孫使先一月舉之公所請者畀媵黃氏也弘治甲子
正月封君良彬生左乳懸疣悉與語合踰月黃氏乃生
良植初吳公予次公孺人而諸母譏焉謂孺人曰田家
兒乃大而門又安用持歲鎗如諸母為也蓋吳公見
次公冠田家冠無苛禮謂大而門矣言鎗者示諸父之

有深藏託局鐫諸母佩組自愛雍容而已而次公將不良于賈也後吳氏中廢孺人徧存諸母而置其事云生七十有八年而卒為嘉靖甲辰五月五日也中丞公名道昆督部閩粵有平倭功仲曰道集邑諸生封君卜下佛堂兆吉以某歲月日葬公而孺人祔中丞公請余志焉余曰新安俗矜賈即同列財力相君乃所至為鹽筴祭酒畫便宜至今中貴人疏名求之稱汪玄儀自詣吏玩孰甚焉太守抹之不恡千金有所試其長非苟而已

也大哉修業而息之賢人深謀於廊廟論議朝廷其在
中丞乎是何能白首刀錐為二子虜也孺人不責子錢
以規室南之產廉賈五之俗之相靡雖女子亦竒勝耶
至其與家大政決策片言亦其天性然也懸疣之祥其
應二世來之以德矣是為銘銘曰莫燬於勢而身是嘗
之莫美於利而身是颺之見取於予業乃成謀得於失
政乃行維道則偕其人孔懷言作之述以伉茲邱

明故任處士墓碑

嗚呼此明任處士之墓處士者家本平陰大父讓以上墓皆在平陰徙家濟南自大母趙氏始讓生鸞為處士父時方在襁抱長遂娶于歷城張氏生處士處士生毀齒而張卒事父與繼母翟氏躬自負薪米比弱冠父又卒子如也稍試為功曹掾而文無害然非其所好尋罷去隱于酒人人不可得而識已然時時為里中少年論事動厭其意少年率服處士有大畧凡再葬父母繼母如初葬儀而賓客之會葬者視初葬什倍矣性嚴潔無

所狎侮所服御未嘗受纖汙生四十又四年而卒嘉靖
乙未十二月二十四日也配姜氏校尉琳次女隆慶己
巳二月四日卒年七十又五歲姜孺人生有遠度一乳
不育輒為處士置丘氏丘氏一不乳更為公置丘氏則
竟乳二子曰登瀛登洲登瀛乙卯舉鄉進士翩翩美文
辭亟從余誦處士也而請題其墓不佞則惟齊雅多處
士伯夷居北海之濱不能以衣冠坐塗炭而顏燭曰清
淨貞正以自娛任君雖隱于賣漿家即里中少年狎侮

如匪澣衣功曹無害如將浼焉不辱其身耳奚必人得而識之而率伏之也人莫大乎父母生則躬負薪米葬則賓客觀禮是為國勸孝情者也姜孺人雖有遠度非公刑于安能一姬不乳又一姬進哉處士卒後二子乃竟以姜孺人立處士使之如在耳何乃謂豈其娶妻必齊之姜是又為國勸慈情者也嗚呼身致大誼此明任處士之為墓而西北走邯鄲道也鍾離業陽無恙耶趙使者必且致任君大誼而高其丕業於齊愈益重矣處

士諱爵字天祿二邱氏先姜孺人卒隆慶庚午三月十七日舉祔焉登瀛娶張禮仲女卒聘薛天祐李女登洲娶齊承芳長女而孫男五人震亨謙亨萃亨豐亨節亨孫女二人一適邑諸生黃存性一未聘墓在郡城西五里溝之南公以再葬其父母與繼母者之兆云軒轅大姓孰齒諸任昔在中葉越播平陰子發藐孤遵彼濟南既壯有室生民是覃卓茲處士匪夷所思功曹無害棄而違之隱于酒人無巨弗微狎侮辟世如匪澣衣不降

其志不辱其身涅而不淄磨而不磷由也負粟參也雞
豚四方觀禮不逮親存永言勸孝永言勸慈兼女是進
二子惟期御于家邦刑于寡妻鍾離業陽專美于齊歸
彼樂石植言孔安欲報之德託諸不刊翩翩長君克光
厥前敬竢褒書籍用斯篇

明德王府承奉正張君碑

君諱喜字悅君保定之深澤人弘治某年籍在掖庭正
德某年出給事於府中久之莊王使行守藏也至嘉靖

已丑懿王以積勞奏擢為門官副癸巳遷典服正丙申
超遷承奉副辛丑改承奉正給事今王凡四年甲辰致
仕凡十有三年丙辰四月朔日卒年六十四今王行守
藏使者藁城田君鑾汝金自以出君門下追惟君得與
今王錫命之典為盛且悼君之中廢也刊石記焉銘曰
今王立國維初在昔嗣祚稱藩庶官率從永茲利建以
翰元元君以髫齡籍在宦者觀禮掖庭王簡左右受詔
于東寺人之令給事莊王乃領錢穀出納允明屬惟十

載不沒于貨政是用成懿王念舊乃上其績擢而於門
再遷典服戕戕袞冕則有司存進貳宮尹寔崇夾輔愈
益和衷不愆不忘式于大憲蹇蹇匪躬今王幼冲遭家
不造流言以興君曰仁親得失匪計是翼是馮世及之
義春秋所嚴維嫡是求帝曰冊止昭哉錫命以荷天休
王修前功以正宮尹惟君無它雖已著庸名位則極邁
閔遂多翔而後集言從所好乃致為臣偃息優游十有
三載歸潔其身程騰遠矣君其小雅巷伯之倫

明贈徵仕郎翰林院檢討殷公配封太孺人郭氏合葬墓誌銘

公諱汝麟字致瑞其先成湯子姓之裔後以國氏焉其在武定者有廢碑於鄧莊之壠或稱將軍若千戶則金元以來已為武定人也有曰從善者于公為高祖矣嘗避亂蜀漢之間高皇帝之興也歸而處於今之永利鎮云生六子長曰旺贈德府審理正配閭贈安人生五子少曰衡以永平訓導入為德莊王教授既之國濟南參

與藩體王上其績天子璽書勞焉尋進審理正且四十載既致仕王自以師傅舊恩為畫像製贊使就其家存問比卒而永平弟子員已請祠之學宮矣配李封安人亦生六子第四子曰峻其所為禮家世傳業既舉于鄉則靈寶許氏大司徒莊敏公誥大學士文簡公讚于大學則襄垣劉氏大司馬龍大中丞夔兄弟出其門也生公八歲而卒亡何母亦捐館舍公蓋不能就學而一聽伯兄所為則脫身出獨取散惡具數事財物盡與兄數

年而兄盡破其產公輒復分與兄更造者數矣後兄在
德州逆旅中病疫且革主人問即不諱孰收子者則曷
不謂之也曰有弟愛我旦夕且至徒以素遇之少恩難
於謂之耳會太孺人亦病疫且革或以止公公曰棠棣
之二章奈何何可令伯兄赫然在原隰而以內為解蓋
舍而後裝及馬宿而後圍及馬且啄且訣以輿櫬而返
太孺人尋亦愈也初公與章邱翟君洪者友雖已聘孺
人然檢討君纔六歲耳屬翟君客濟南病倉卒無所歸

公即昇于家視粥藥四十餘日卒矣公更為具以殯諸客位而受弔者如兄弟之喪以致諸其子已于葬而竣檢討君七歲遣就外傳必擇名士不憚一歲五更至今檢討君言學必及師友言事必及家世蓋誦公之教不衰公既博涉群書旁及老莊諸家言而尤精於易數往往竒中嘉靖庚子屬且省試先期謂檢討君始吾以兒幸得偕計吏中如大父成化庚子時足矣顧安得遂至如曾大父為第五人也然吾亦以十月二十日逝矣援

筆而識之壁已果如所言平居持論排難解紛量所能
為各厭人望諸所嘗施惟恐見之即至相負置而不校
卒之日以書一帙屬檢討君曰此我所見聞諸陰德行
事也爾惟勿負朝廷而虐百姓以竊比於此哉凡七年
檢討君第進士以庶吉士除今官尋推恩贈公封太孺
人云太孺人者亦武定人父巽四川保寧府通判母曰
郝氏初太孺人適公時咸謂貴家女豈任椎布操作為
新婦乎乃孺人事嫂如嚴姑每雞鳴起視具嫂不知也

公既與孺人脫身出則愈益服勞節約以佐公更造即
公意所欲問遺贈恤必愆吏力贅務出其厚曰吾安得
愛簪珥篋笥俾君子困於義也檢討公出諸懷抱之中
生不令持一錢曰玩好在耳目之前而患在有識之後
何以尺箠禁乎及就養京師則謂檢討君今祿孰與既
廩學官時若更修小禮曲意貴人左右之助何以稱通
經術不失家世也寧課僮僕掘野以蔬而滌廐以爨不
顧爾有此笑癸丑檢討君奉使河南孺人歸家暫詣武

定既再如京師則孺人輒病丁巳檢討君復以假請奉
孺人歸踰年又病則謂檢討君即吾不起勿徼福於釋
氏謂翟孺人我所為負牀之望無亦新婦緩帶之慮乎
已乃卒蓋戊午二月十有四日也公生弘治庚戌十有
二月八日卒於識壁之日壽五十有一孺人生弘治辛
亥五月十有六日壽六十有八子一人曰士儋即檢討
君婦即翟孺人孫一人曰居聘舉人劉宗禹女太孺人
既卒妾高所生也孫女三人長許聘陝西布政司叅議

張嵐子志次許聘廣東道御史薛樟子焰次許聘舉人
潘子雨子鳳翎則皆出翟孺人居與所許聘薛氏潘氏
者二女不幸夭所置宗人子為後者一人曰聯為娶婦
趙氏亦武定人贈君以上皆葬武定不遠有廢碑於壟
者審理公以下葬歷城東閔子騫塚傍而公在焉戊午
葬孺人乃啓壙則更為塗泥不得已以附矣辛酉十有
二月十有八日改葬于長清縣之鳳凰山在歷城縣西
南三十里余惟師學廢則六經無額門東海孟卿家世

為禮乃更使其子喜從田王孫受易孰若公家四世守
曲臺之訓釋褐而傳入說王者稱贊命之儒四大臣一
時出門下而儼然論石渠之署也向使輒分更造怏怏
有德色斯德州逆旅中惘然絕憐而收我之望以自分
於溝壑惘然絕憐而收我之望以自分於溝壑則豈獨
其兄近若哉及觀翟君之事蓋其天性信義篤於信數
如此矣人亦孰不欲節約而卒以侈敗則所嘗施不當
也與不期衆期於當厄不然豈其一聽所欲問遺贈卹

而務出其厚必不能矣公既收伯兄而孺人撫其孤及公與孺人之喪宗人喪焉總者以功功者以基豈為人悅之哉至其教檢討君通經術不失家世爽然富貴之際矣好老莊諸家言而不惑於釋氏又何較然於晝夜之說也斯古稱同德者乎乃為銘銘曰神明之胄家是承既窺乃復以儒興藩禮肇修崇舊恩于時大臣駢出門爰在中葉潛德敷因心則友貌諸孤太史駿發世厥經取諸襁抱享王廷鷄火式靈開氣先宜爾子孫萬

斯年

明誥贈奉政大夫刑部浙江清吏司郎中方公
暨配贈太宜人姚氏合葬墓誌銘

方公既歿之八年為隆慶己巳乃仲子子賓卜得塋墩
上阜將以某年月日葬焉而太宜人祔之也則謂余曰
邑之瑞林故祖兆也先是族人鬻之先君子贖之而率
族人營葬其側以次當陵元故祖塚上為非順也乃受
塚前隙地而先太宜人之偏在焉且十餘年危受水患

然既以杜鬻者猶則先君子之志也乃今所請為誌誌諸塋墩上阜者矣誌曰方公諱祥慶字德徵其先出漢大司馬長史紘至隋有惠誠者為歙令子叔濟因家馬歷宋居環山四傳曰十七者遷忠堂又四傳則元大都路使慶孫也慶孫生全全生繼祖繼祖生仲榮仲榮生貴質貴質生永寧永寧生富清娶朱氏是生公公生恂恂長者於鄉黨出不具車馬所居纔蔽風雨布衣蔬食晏如也甫弱冠會父當送戍于邊則請行不許請之行

徃役里中蓋二十餘年又不以任二弟視二弟生產不
知其不及也里中而賦必先輸以代贖者畢計而贖者
舉子錢辭曰以余在里中不能振諸君之急而因以為
利乎後有賦里中競勸惟恐公先輸之矣率為置義倉
里中召父老以社伏臘有事焉常慕大父之為人身布
衣而邑令朱君使攝彈室命里中是稱平也豈予敢望
哉然結林有訟者以公居間解之全其家矣而里中父
老若子弟蓋由是無復身逮于有司公生八十年以子

賓奏最封工部營繕司署員外郎主事明年辛酉正月九日卒父老奉主于社矣隆慶改元子賓遷刑部浙江司郎中今上覃恩加贈公奉政大夫如子賓姚自太安人加贈太宜人云太宜人者諱杜真父曰道轉母謝氏二十而歸公逮事祖姑舅姑既有二子祖姑時已九十餘每飯必為太宜人祝曰吾願而年若余而子若孫若余而子若孫之婦事而亦若而之事余也一浣衣經十餘年不易見里中紉綺子弟輒舉以誠諸子曰丈夫生

不能自食竊父兄餘焰夸毗鄉黨此斷樞被文繡者耳
吾不顧汝曹有此行也今觀少保大學士江陵張公所
為誌賢母具是矣生成化戊戌以子賓舉進士之明年
嘉靖甲寅卒為七十有七歲公生二男子長良明娶汪
氏次即子賓良曙也今為河南按察司副使娶葉氏封
宜人二女子適程鎮張元安孫男十人一夔一鵬一鸞
一麟一鶚良明出一元一德一貫一樂一敬副使君出
也女不次曾孫男十二人矣余惟歛俗什七服賈而葬

者率治堪輿家言瑞林之偏贖諸既鬻族舉德之即嫌於陵故祖塚上而嚙河受水不難數千里送戍于邊而難厝于杯土安在其為堪輿家言哉斯足有子賓矣佐賦公家而里中勸輸結林之訟者私焉君子曰借令里中類如公長者邑令拱手受成不以重乎生自本業沒秩于社中太宜人自以祖姑之祝之也誠諸子自食可謂無德不報者哉余往奉太恭人亡狀卒於大梁署中子賓臨輒隕涕以不逮二親之永訣也少保公又云余

往江陵過繕部時視權且滿不持一物去其清如此今
觀子賓大梁署中何以異江陵視權時也永訣大矣是
為銘銘曰社是饗而兆以食祝是昉而誠以息仲氏克
諧以慰其永懷維簞之敦然猗上阜之九然豈曰無瑞
林之干兮不如於焉即安兮

翟淑人墓誌銘

按狀翟淑人者章邱西錦川里人翟公洪季女也母劉
氏祖景華太學生山西太原府檢校始翟公游郡中諸

長者與贈侍郎公交甚驩時淑人及侍郎公生六齡耳
乃翟公輒約以為婚姻既三年翟公有歷城逮而疾作
贈公果為率父老十數輩謁縣請任出就醫遂尋家視
粥藥四十餘日唯謹竟卒又為含斂厝諸客位受弔若
兄弟之喪召其子廷相已於葬而竣繇是諸長者皆謂
翟公繫援贈公而自令白冤狀殯有所歸知人哉孰無
緩急也居五年淑人來歸蓋贈公與太淑人女畜之而
使兄事侍郎公又三年稱冢婦矣三年公舉于鄉與為

贈公喪三年五年公第進士選庶吉士隨侍太淑人京
邸五年以公檢討考績封孺人明年公奉使周藩隨侍
太淑人歸濟南其冬從入京師又四年以公取急復隨
侍太淑人歸濟南明年又與為太淑人喪三年服闋又
三年復從公入京師事今上裕邸超為春坊右贊善三
年擢洗馬踰月隆慶改元徙侍讀學士尋拜禮部右侍
郎兼翰林院學士計一歲而三遷馬天子覃恩乃淑人
有令封命下三日卒於京邸三月四日也距生嘉靖改

元壬午七月二十七日得年四十有六踰月公改令官兼如故云令甲三品妻喪無卹典公以積勞論帷幄上特降文諭祭禮部移遣山東布政司左布政使致馬工部下有司營壙兆起祠堂各如儀式矣公方日在經筵又充副總裁纂修世宗皇帝實錄聖慈憫惻乃復聽暫解所署馳驅護淑人歸更賜金錢道路過喪兼期供職乃六月晦抵家厝於正寢卜是年八月十九日葬長清之鳳凰山太淑人墓側云余曰淑人之榮寵所得於上

何曲以備乎信乎濟南父老皆謂尹恭簡夫人以來未
之有此也方淑人兄事公者三年而稱冢婦刑于友于
無相瀆焉而太淑人身女畜之念奉質共修之義恩結
於心即不能輒為公置妾鬱鬱令失志乃淑人勸日益
力蓋自奉使歸濟南時年三十二而輒為公置妾矣既
生子又輒為乳哺不知其非所出也人亦不知其所出
嗚呼公自以太淑人遺孤所夙夜慮者後為大耳淑人
既貴正不難於膠木之風斯公所繇委蛇於羔羊之節

而精意啓沃無貳命也不然入則鄉唐虞之閎道王法
納乎聖聽出則參冢宰之重職功烈施乎政事乃退食
自公不忘夙夜所為慮於太淑人者以奪于黽勉自效
淑人與有譏矣狀安得謂內有益友焉惟是上所降諭
祭文固曰胡良臣眷懷方切而女士哀訃忽聞君之於
臣分其大哉惟是淑人國猶賴之豈為幸乎而榮寵得
諸上者不一而足也淑人少食貧梁肉粗糲而綺縞疏
布既貴安馬至周困窮見唯為惠即傾篋笥無厭色必

先宗人次太淑人外家次諸翟以為差自稱冢婦至有
母道一視太淑人家法動則曰吾聞之先姑蓋四十年
相承唯一德太淑人片帛寸縷必組紉就業淑人躬秉
刀尺稱御之量太淑人比歲寢疾恭人夙夜祝北斗自
代啖茹衣單三厯寒暑朝夕上執饋數進必鮮下至廁
褻浣濯不以委諸婢制有曰茂昭孝敬存于勤儉茲其
槩已余既已為贈公太淑人志銘不忘先役今重得以
具列如此贈侍郎公諱某太淑人姓郭氏侍郎公名某

淑人生四子八女今惟一女存適陝西布政司叅議張
嵐次子郡學生志庶子二女三人今存者子一曰誥未
聘女一許聘戶部郎中劉宗岱子某先是所立宗人子
聯以其父母無別子求去厚遣之逾年而誥生公自以
淑人若將不更置繼室者又所營壙兆本上特典非旨
不得擅啓非封三品不得入也即百歲後葬其所出者
異壙同兆矣是又何自榮寵淑人篤以遠也寧能知
百歲而後誥輩所封其自出乎且何遽自三品之凡以

淑人乎乃為銘銘曰于以其偶相夫則友于以其婦齊
姑則母堂上兼女以觀人能產無常乳厥宗嗣興壹政
孔從惟惟斯藉聖德孔容啓沃斯迓特頒卹典躋禮充
恩寧渝令申大誼是存帝眷良臣錫稱曰士以承諭祭
既多受祉司空政役有壙萃如天子命我於焉安居

明封太安人潘母趙氏墓誌銘

太安人者趙公玉之女也既聘於潘屬翁鐸疾革暫詣
視鬻藥不起輒留事承德君時年十有五歲耳蓋諸嫂

不敢以其少易之承德君尋報府為王中使收租東阿陽穀間出者率半歲太安人奉姑李即無不如承德君在母前李遇之輒異於諸婦蓋三十年生三子子雨邯鄲令子震邑諸生子霓行人戶部員外郎承德君出者率半歲即三子又無不以事父者併事太安人蓋五十年歲己未以戶部君封太安人壬辰邯鄲君迎養邑中明年戶部君左遷汝州走邯鄲道謁太安人而太安人某月日卒矣汝州君復走邯鄲道與邯鄲君執紼東也余

惟太安人為婦時十有五歲耳又暫詣留猝不及奉無違之訓承德君又季子乃使季無夙夜行役之感是為倚其子於堂下豈不難哉蓋五十年三子者無不以事承德君者併事母是兼理夫道也人情嚴父而怙愛於母非其道承德君出者率半歲何以使三子有今日又不然豈其備百行集衆美而夫是不宜子是不令以為太安人顧乎必不能矣據邯鄲君狀太安人性喜施好聞善言叱詈不出於梱正寢之夕大風仆屏匱先是安人

見二紫衣女子侍馬意獨奇之矣嘗謁壠值負芻於道
莽然荻也田者復用鉦於巖間即蹙額稱曰語固有之
墾田及青天斲薪及黃泉其好聞善言如此即漆室之
憂國奚擇哉承德君名相封戶部主事先四年卒檢討
殷君有誌太安人生於成化某年三月六日凡七十四
歲癸亥八月二十有六日與承德君合葬平山之麓是
為銘銘曰以其夫子於姑以其子父於夫維茲壠之永

圖

滄溟集卷二十二